



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 408
fax. +387 33 726 414
e – mail: info@voda.ba

Broj: UP-I/21-3-40-517-4/21

Datum 12.11.2021. god.

„Agencija za vodno područje rijeke Save“ Sarajevo rješavajući po zahtjevu pravnog lica „SARFA“ d.o.o. Sarajevo za donošenje rješenja o vodnoj dozvoli za ispuštanje oborinskih onečišćenih otpadnih voda i za aktivnosti koje mogu privremeno ili trajno degradirati kvalitetu voda, ili ometati poboljšanje njihove postojeće kvalitete kao posljedica proizvodnog procesa koji se odvija na lokaciji objekta za primarnu preradu drveta, izgrađenog u naselju Srednje, općina Ilijaš, na osnovu člana 109. stav (1) tačka 2., člana 139. stav (1) tačka 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi

R J E Š E N J E **o vodnoj dozvoli**

1. Pravnom licu „SARFA“ d.o.o. Sarajevo daje se vodna dozvola za ispuštanje oborinskih onečišćenih otpadnih voda i za aktivnosti koje mogu privremeno ili trajno degradirati kvalitetu voda, ili ometati poboljšanje njihove postojeće kvalitete kao posljedica proizvodnog procesa koji se odvija na lokaciji objekta za primarnu preradu drveta, izgrađenog u naselju Srednje, općina Ilijaš.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da se prikupljanje i privremeno skladištenje piljevine i otpadaka od drveta iz procesa obrade drveta vrši na način da se onemogućuje njegovo rasipanje po okolnom terenu, tj. spriječiti da ista dospije u vode.
 - 3.3. Da se u periodu važenja ove vodne dozvole na terenu realizuju sve aktivnosti na vanjskom uređenju sistema prikupljanja, tretmana i ispuštanja oborinskih onečišćenih voda sa radno-manipulativnih, proizvodnih, skladišnih i drugih površina u skladu sa: Glavnim projekat vanjskih instalacija, vodovoda i kanalizacije i pratećih objekata za objekat pilane izgrađene u naselju Srednje, urađen od strane „ES HYDROTECHNICS“ d.o.o. Sarajevo, januar 2018. godine.
 - 3.4. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost.
 - 3.5. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.6. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.

- 3.7. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07 - 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole korisnik objekta „SARFA“ d.o.o. Sarajevo je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne pilane obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 117. stav (1) Zakona o vodama se daje sa rokom važenja od 3 (tri) godina, od dana pravosnažnosti ovog rješenja.
 10. U ovoj upravnoj stvari plaćene su sve upravne pristojbe.
 11. Prije isteka važnosti ove dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

O b r a z l o ž e n j e

Pravno lice „SARFA“ d.o.o. Sarajevo, obratio se ovoj Agenciji sa zahtjevom za ispuštanje oborinskih onečišćenih otpadnih voda i za aktivnosti koje mogu privremeno ili trajno degradirati kvalitetu voda, ili ometati poboljšanje njihove postojeće kvalitete na vode sa lokacije objekta za primarnu preradu drveta, izgrađenog u naselju Srednje, općina Ilijaš.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjerena kopija Rješenja o registraciji u sudski registar, kod subjekta upisa „SARFA“ d.d. Sarajevo, broj: 065-0-RegZ-21-007674 od 25.08.2021. godine izdatog od strane Općinskog suda u Sarajevu;
- Ovjerena kopija Uvjerenja o poreznoj registraciji od 10.03.2011. godine izdato od strane Porezne uprave – Kantonalni porezni ured Sarajevo;
- Ovjerena kopija Uvjerenja o registraciji/upisu u Jedinostveni registar obveznika indirektnih poreza broj: 04/1-17-1-UPJR/1-1424-2/11 od 06.04.2011. godine izdatog od strane Uprave za indirektno-neizravno oporezivanje Banja Luka;
- Rješenje o vodnoj dozvoli broj: 07-04-25-14686/17 od 27.08.2018. godine izdato od strane Ministarstva privrede kantona Sarajevo– kopija;
- Rješenje o vodnoj dozvoli, broj: UP-I/25-3-40-077-4/15 od 16.04.2015. godine izdato od strane Agencije za vodno područje rijeke Save, Sarajevo;

- Rješenje o vodnoj dozvoli, broj: UP-I/25-3-40-077-5/15 od 16.04.2015. godine izdato od strane Agencije za vodno područje rijeke Save, Sarajevo;
- Kopija Rješenja o Okolišnoj dozvoli izdatog od strane kantonalnog Ministarstva prostornog uređenja, građenja i zaštite okoliša broj: 05-23-5433/18 VI od 26.05.2016. godine;
- Glavni projekat vanjskih instalacija, vodovoda i kanalizacije i pratećih objekata za objekat pilane izgrađene u naselju Srednje, urađen od strane „ES HYDROTECHNICS“ d.o.o. Sarajevo, januar 2018;
- Elaborat o ispitivanju o kvaliteta i kvantiteta otpadnih voda za objekat „RADIAL“ d.o.o. Gračanica urađen od strane „Institut za hemijsko inženjerstvo“ d.o.o. Tuzla, januar 2016. godine;
- Dokaz o uplaćenju upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), ovaj organ je pokrenuo upravni postupak, te je dana 03.11.2021. godine izvršen pregled objekata, o čemu je sačinjen Zapisnik o uviđaju broj: UP-I/21-3-40-517-2/21. Pregledom dostavljene projektne i druge dokumentacije i izvršenog uviđaja na lokaciji utvrđeno je sljedeće:

Kompleks izgrađenih poslovno-proizvodnih objekata čija je namjena primarna obrada drveta nalazi se unutar linije dopiranja velikih voda (unutar poplavnog područja) rijeke Rače ranga pojave 1/100 godina. Prema članu 96. Zakona o vodama („Službene novine Federacije BiH“, broj 70/06), na poplavnom području su izričito zabranjene sve aktivnosti koje mogu za vrijeme poplava imati štetan uticaj na vode, vodno dobro, priobalno zemljište i zaštitne objekte.

Pogon za primarnu drveta firme „SARFA“ d.o.o. Sarajevo, izgrađen je u naselju Srednje, općina Ilijaš uz vodotoke II kategorije Ljubinu i Raču. U krugu predmetnog pogona smješteni su sljedeći objekti: objekat pilane, upravne zgrade, portirnice, magacina, nadstrešnice za skladištenje ogrevnog drveta, silosa za piljevinu, silosa za sječu i asfaltiranog prostora. Kapacitet proizvodnje je 13.000³-15.000 m³/god oblovene. Na predmetnoj lokaciji ne vrši se pranje trupaca. U procesu obrade drveta ne koristi se voda, niti nastaju tehnološke otpadne vode. Pilota nastala u procesu obrade drveta se mehaničkim putem prikuplja u silos, te se ista koristi za proizvodnju briketa. Oborinske vode se platoa objekta i krovova slobodno se slijevaju na okolni teren i vodotoke.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07).

Podnosilac zahtjeva je uplatio i posebne troškove shodno Zaključku ove Agencije, broj: UP-I/21-3-40-517-3/21 od 12.11.2021.

Podnosilac zahtjeva je uplatio upravnu i administrativnu taksu u iznosu od 70 u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13)

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih otpadnih voda, te je riješeno kao u dispozitivu ovog Rješenja.


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, Bsc.ing.građ.

Po ovlaštenju
Rukovodilac sektora za izdavanje vodnih akata



Haris Ališehović, dipl.ing.građ.



Dostaviti:

- „SARFA“ d.o.o. Sarajevo, Srednje bb, 71 250 Ilijaš (prilog)
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava